

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), člana 32. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23 i 10/23), a u skladu sa Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine i broj: 02-11-11924/23 od 26.07.2023. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 31. sjednici, održanoj dana 10.08.2023. godine, d o n o s i

ODLUKU

o odobravanju sredstava nevladinim organizacijama koje će se finansirati/sufinansirati iz sredstava Budžeta Zeničko-dobojskog kantona predviđenih za 2023. godinu

Član 1.

(Predmet)

Odobravaju se sredstva u iznosu od 76.727,00 KM (slovima: sedamdesetšesthiljada sedamstodvadesetsedam konvertibilnih maraka) nevladinim organizacijama za raspodjelu budžetskih sredstava namijenjenih za finansiranje/sufinansiranje programa rada/projekata iz oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika na području Zeničko-dobojskog kantona predviđenih za 2023. godinu, a koje su aplicirale na Javni poziv.

Član 2.

(Raspored sredstava)

Sredstva iz člana 1. ove odluke odobravaju se u skladu sa Pravilnikom o utvrđivanju kriterija za ocjenu i bodovanje programa rada/projekata nevladinih organizacija koje se finansiraju/sufinansiraju iz Budžeta Zeničko-dobojskog kantona predviđenih za 2023. godinu, broj: 09-11-8038-1/23 od 18.05.2023. godine, i raspoređuju se nevladinim organizacijama, kako slijedi:

r/b	Naziv	Sredstva:
1.	Društvo socijalnih radnika Zeničko-dobojskog kantona	9.444,00
2.	Udruženje "DLAN" Zenica	8.183,00
3.	Savez udruženja slijepih građana Zeničko-dobojskog kantona	7.939,00
4.	Koalicija organizacija osoba sa invaliditetom Zeničko-dobojskog kantona	8.333,00
5.	Udruženje oboljelih od multiple skleroze Zeničko-dobojskog kantona	4.738,00
6.	Udruženje djece i mladih oboljelih od šećerne bolesti Zeničko-dobojskog kantona	7.222,00
7.	Centar ženskih prava	5.056,00
8.	Savez civilnih žrtava rata ZDK	6.667,00
9.	Savez udruženja penzionera/umirovljenika Zeničko-dobojskog kantona	6.111,00
10.	Udruženje građana "Fojničani" Maglaj	4.278,00
11.	Savez logoraša Zeničko-dobojskog kantona	5.556,00
12.	Savez invalida rada Zeničko-dobojskog kantona (SIR-ZDK)	3.200,00
U K U P N O:		76.727,00

Član 3.
(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23 i 10/23) razdjel 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, subanalitika KAX 002, naziv pozicije „Tekući transfer udruženjima“.

Član 4.
(Provođenje odluke)

(1) Za realizaciju ove odluke zadužuje se Ministarstvo za rad, socijalnu politiku i izbjeglice, Ministarstvo finansija, svako u okviru svojih nadležnosti.

(2) Ministarstvo za rad socijalnu politiku i izbjeglice Zeničko-dobojskog kantona će zaključiti ugovore o međusobnim pravima i obavezama sa nevladinim organizacijama iz člana 2. ove odluke.

Član 5.
(Izveštavanje)

Obavezuju se korisnici sredstava iz člana 2. ove odluke da Ministarstvu za rad, socijalnu politiku i izbjeglice dostave narativni i finansijski izvještaj o namjenskom utrošku sredstava do 31.12.2023. godine.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-12661/23

Datum, 10.08.2023. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x NVO, putem Ministarstva,

1x „Službene novine Zeničko-dobojskog kantona“,

1x a/a.